



古文孝經正文

再板

565



門口仁  
精  
卷

古文孝經序

古文孝經序

孔安國

孝經者何也。孝者人之高行。經常也。自有天地  
人民以來。而孝道著矣。上有明王。則大化滂流。  
充塞六合。若其無也。則斯道滅息。當吾先君孔  
子之世。周失其柄。諸侯力爭。道德既隱。禮誼又  
廢。至乃臣弑其君。子弑其父。亂逆無紀。莫之能  
正。是以夫子每於閒居。而歎述古之孝道也。夫  
子敷先王之教於魯。之洙泗。門徒三千。而達者

明治世五年十一月廿七日  
森鴻次郎氏寄贈

森鴻次郎氏寄贈

七十有二也。貫首弟子顏回、閔子騫、冉伯牛、仲弓。性也。至孝之自然，皆不待諭而寤者也。其餘則悻悻憤憤，若存若亡，唯曾參躬行匹夫之孝，而未達天子諸侯以下，揚名顯親之事。因侍坐而諮問焉。故夫子告其誼，於是曾子喟然知孝之爲大也。遂集而錄之，名曰孝經。與五經並行於世，逮乎六國學校衰廢，及秦始皇焚書坑儒，孝經由是絕而不傳也。至漢興，建元之初，河間王得而獻之，凡十八章。文字多誤，博士頗以教

授。後魯共王使人壞夫子講堂於壁中，石函得古文孝經二十二章，載在竹牒，其長尺有二寸，字科斗形。魯三老孔子惠抱詣京師獻之。天子天子使金馬門待詔學士與博士羣儒從隸字寫之，還子惠一通，以一通賜所幸侍中霍光，光甚好之，言爲口實。時王公貴人咸神祕焉。比於禁方，天下競欲求學，莫能得者。每使者至魯，輒以人事請索，或好事者募以錢帛，用相問遺。魯吏有至帝都者，無不齎持以爲行路之資。故古

文孝經初出於孔氏而今文十八章諸儒各任意巧說分爲數家之誼淺學者以當六經其大車載不勝反云孔氏無古文孝經欲矇時人度其爲說誣亦甚矣吾愍其如此發憤精思爲之訓傳悉載本文萬有餘言朱以發經墨以起傳庶後學者覩正誼之有在也今中祕書皆以魯三老所獻古文爲正河間王所上雖多誤然以先出之故諸國往往有之漢先帝發詔稱其辭者皆言傳曰其實今文孝經也昔吾逮從伏生

論古文尚書誼時學士會云出叔孫氏之門自道知孝經有師法其說移風易俗莫善於樂謂爲天子用樂省萬邦之風以知其盛衰則移之以貞盛之教淫則移之以貞固之風皆以樂聲知之知則移之故云移風易俗莫善於樂也又師曠云吾驟歌南風多死聲楚必無功卽其類也且曰庶民之愚安能識音而可以樂移之乎當時衆人僉以爲善吾嫌其說迂然無以難之後推尋其意殊不得爾也子游爲武城宰作

絃歌以化民武城之下邑而猶化之以樂故傳  
曰夫樂以關山川之風以曜德於廣遠風德以  
廣之風物以聽之脩詩以詠之脩禮以節之又  
曰用之邦國焉用之鄉人焉此非唯天子用樂  
明矣夫雲集而龍興虎嘯而風起物之相感有  
自然者不可謂毋也胡笳吟動馬蹠而悲黃老  
之彈嬰兒起舞庶民之愚愈於胡馬與嬰兒也  
何爲不可以樂化之經又云敬其父則子說敬  
其君則臣說而說者以爲各自敬其爲君父之  
道臣子乃說也余謂不然君雖不君臣不可以  
不臣父雖不父子不可以不子若君父不敬其  
爲君父之道則臣子便可以忿忿之邪此說不通  
矣吾爲傳皆弗之從焉也

序終

孝經

開宗明誼章第一

仲尼閒居。曾子侍坐。子曰。參。先王有至德要道。以訓天下。民用和睦。上下亡怨。女知之乎。曾子辟席曰。參不敏。何足以知之乎。子曰。夫孝。德之本也。教之所繇生也。復坐。吾語女。身體髮膚。受之父母。不敢毀傷。孝之始也。立身行道。揚名於後世。以顯父母。孝之終也。夫孝。始於事親。中於事君。終於立身。大雅云。亡念爾祖。聿脩其德。

天子章第二

子曰。愛親者。不敢惡於人。敬親者。不敢慢於人。愛敬盡於事親。然後德教加於百姓。刑於四海。蓋天子之孝也。呂刑云。一人有慶。兆民賴之。

諸侯章第三

子曰。居上不驕。高而不危。制節謹度。滿而不溢。高而不危。所以長守貴也。滿而不溢。所以長守富也。富貴不離其身。然後能保其社稷。而和其民人。蓋諸侯之孝也。詩云。戰戰兢兢。如臨深淵。

如履薄冰。

卿大夫章第四

子曰。非先王之法。服不敢服。非先王之法。言不敢道。非先王之德行。不敢行。是故。非法不言。非道不行。口亡擇言。身亡擇行。言滿天下。口過行滿天下。亡怨惡。三者備矣。然後能保其祿位。而守其宗廟。蓋卿大夫之孝也。詩云。夙夜匪解。以事一人。

士章第五

子曰資於事父以事母其愛同資於事父以事君其敬同故母取其愛而君取其敬兼之者父也故以孝事君則忠以弟事長則順忠順不失以事其上然後能保其爵祿而守其祭祀蓋士之孝也詩云夙興夜寐亡忝爾所生

庶人章第六

子曰因天之時就地之利謹身節用以養父母此庶人之孝也

孝平章第七

子曰故自天子以下至於庶人孝亡終始而患不及者未之有也

三才章第八

曾子曰甚哉孝之大也子曰夫孝天之經也地之誼也民之行也天地之經而民是則天之明因地之利以訓天下是以其教不肅而成其政不嚴而治先王見教之可以化民也是故先之以博愛而民莫遺其親陳之以德誼而民興行先之以敬讓而民不爭道之以禮樂而民



和睦示之以好惡而民知禁詩云赫赫師尹民具爾瞻

孝治章第九

子曰昔者明王之以孝治天下也不敢遺小國之臣而況於公侯伯子男乎故得萬國之歡心以事其先王治國者不敢侮於鰥寡而況於士民乎故得百姓之歡心以事其先君治家者不敢失於臣妾之心而況於妻子乎故得人之歡心以事其親夫然故生則親安之祭則鬼享之

是以天下和平災害不生禍亂不作故明王之以孝治天下也如此詩云有覺德行四國順之

聖治章第十

曾子曰敢問聖人之德亡以加於孝乎子曰天地之性人爲貴人之行莫大於孝孝莫大於嚴父嚴父莫大於配天則周公其人也昔者周公郊祀后稷以配天宗祀文王於明堂以配上帝是以四海之內各以其職來助大聖人之德又何以加於孝乎是故親生毓之以養父母曰

嚴聖人因嚴以教敬。因親以教愛。聖人之教不  
肅而成。其政不嚴而治。其所因者本也。

父母生績章第十一

子曰。父子之道。天性也。君臣之誼也。父母生之。  
績莫大焉。君親臨之。厚莫重焉。

孝優劣章第十二

子曰。不愛其親而愛他人者。謂之悖德。不敬其  
親而敬他人者。謂之悖禮。以訓則昏。民亡則焉。  
不宅於善。而皆在於凶德。雖得志。君子弗從也。

君子則不然。言思可道。行思可樂。德誼可尊。作  
事可法。容止可觀。進退可度。以臨其民。是以其  
民良而愛之。則而象之。故能成其德教。而行其  
政令。詩云。淑人君子。其儀不忒。

紀孝行章第十三

子曰。孝子之事親也。居則致其敬。養則致其樂。  
疾則致其憂。喪則致其哀。祭則致其嚴。五者備  
矣。然後能事其親。事親者。居上不驕。爲下不亂。  
在醜不爭。居上而驕。則亡。爲下而亂。則刑。在醜

而爭則兵此三者不除雖日用三牲之養繇為不孝也。

五刑章第十四

子曰五刑之屬三千而臯莫大於不孝要君者亡上非聖人者亡法非孝者亡親此大亂之道也。

廣要道章第十五

子曰教民親愛莫善於孝教民禮順莫善於弟移風易俗莫善於樂安上治民莫善於禮禮者

敬而已矣故敬其父則子說敬其兄則弟說敬其君則臣說敬一人而千萬人說所敬者寡而說者衆此之謂要道也。

廣至德章第十六

子曰君子之教以孝也非家至而日見之也教以孝所以敬天下之為人兄者也教以弟所以敬天下之為人君者也詩云愷悌君子民之父母非至德其孰能訓民如此其大者乎。

應感章第十七

子曰昔者明王事父孝故事天明事母孝故事  
地察長幼順故上下治天地明察鬼神章矣故  
雖天子必有尊也言有父也必有先也言有兄  
也必有長也宗廟致敬不忘親也脩身慎行恐  
辱先也宗廟致敬鬼神著矣孝弟之至通於神  
明光於四海亡所不暨詩云自東自西自南自  
北亡思不服

廣揚名章第十八

子曰君子事親孝故忠可移於君事兄弟故順  
可移於長居家理故治可移於官是以行成於  
內而名立於後世矣

閨門章第十九

子曰閨門之內具禮矣乎嚴親嚴兄妻子臣妾  
繇百姓徒役也

諫爭章第二十

曾子曰若夫慈愛龔敬安親揚名參聞命矣敢  
問子從父之命可謂孝乎子曰參是何言與是

何言與言之不通邪。昔者天子有爭臣七人。雖  
亡道不失天下。諸侯有爭臣五人。雖亡道不失  
其國。大夫有爭臣三人。雖亡道不失其家。上有  
爭友。則身不離於令名。父有爭子。則身不陷於  
不誼。故當不誼。則子不可以不爭於父。臣不可  
以不爭於君。故當不誼。則爭之。從父之命。又安  
得爲孝乎。

事君章第二十一

子曰。君子之事上也。進思盡忠。退思補過。將順

其美。匡救其惡。故上下能相親也。詩云。心乎愛  
矣。遐不謂矣。忠心臧之。何日忘之。

喪親章第二十二

子曰。孝子之喪親也。哭不依禮。亡容言不文。服  
美不安。聞樂不樂。食旨不甘。此哀戚之情也。且  
而食。教民亡以死傷生也。毀不滅性。此聖人之  
正也。喪不過三年。示民有終也。爲之棺槨衣衾  
以舉之。陳其簋豆而哀戚之。哭泣擗踊。哀以送  
之。卜其宅兆而安措之。爲之宗廟。以鬼享之。春

秋祭祀以時思之生事愛敬死事哀戚生民之本盡矣。死生之誼備矣。孝子之事終矣。孝經終

# 春臺先生訓點

延享元甲子夏五月日

嘉永四辛亥春正月日

再板

東都 嵩山房 小林新兵衛梓

江戸日本橋南二町目

## 書林嵩山房藏版目錄

古文孝經	春臺先生校正	全	同集覽	北山山本信有撰	全二冊
同 山子點	全	同標注	全	同大義	全
同正文	全	同白文大字	東江先生書全	同刊誤集解	全一冊
同片假名附	全	同平かな附	全	同司馬溫公指解	全一冊
同參疏	兼山先生著	全三冊	清人知不足齋叢書唐本翻刻	春臺先生音孔傳古文孝經	全
同私記定本	朝川善庵先生著	全三冊	善庵先生校	孝經會通	全一冊
同足利本	全	同 清原點	全	繪本孝經	高井蘭山先生釋
同國字解	全	同國字辨	全三冊	繪本忠經	高井蘭山先生譯
同冢注	全	同和字訓	大峰先生述全	忠經集注詳解	漢馬融撰
同講釋	太宰先生講說并先生ノ序モ片カナ	全	ニテ注ス初學ノ爲ニルキ書ナリ	繪本忠經	高井蘭山先生譯
同小解	備前大儒熊澤了芥先生講釋	全二冊		心學俗語	高英翁著
同正文大字本	春臺先生訓點	全			
同解	金勝翁述	全			

此書孝經の意と童蒙へ初ららんが爲ふかゝり  
かる成付けあり多分りつゝ注釋せし書あり

世間人情の理をさしりて身中へ長安の道あり  
教訓の中へ面白く爲りてしるべき書あり

かん 行

